

اتوار 8 نومبر، 2020

مضمون۔ آدم تے پاپی انسان

سنہری متن: افسیوں 5 باب 14 آیت

---

”ایس لئی اوہ آکھدا اے، اے سون والے! جاگ تے مردیاں وچوں جی اٹھتے مسیح دانور تیرے اُتے چمکے گا۔“

---

جوابی پڑھائی: 1 کرنتھیوں 15 باب 34، 47، 49، 51، 53، 57 آیتاں

34۔ راستباز ہون لئی ہوش وچ آؤ تے پاپ نہ کرو کیوں جے کئی رب توں ناواقف نیں۔

47۔ پہلا بندہ دھرتی توں یعنی خاکی سی۔ دو جا بندہ آسمانی اے۔

49۔ تے جیہیں طراں اسی ایس خاکی دی صورت اُتے ہوئے او سے طراں اوس آسمانی دی صورت اُتے وی ہونواں گے۔

51۔ دیکھو میں تہانوں بھید دی گل آکھداواں۔ اسی سارے تے نئیں سونواں گے پر سارے بدل جانواں گے۔

53۔ کیوں جے ضروری اے پئی ایہہ فانی بدن بقادا جامہ پاوے تے ایہہ مرن والا بدن ہمیشہ دی حیاتی دا جامہ پاوے۔

57۔ پر رب دا شکر اے جیہڑا ساہنوں ساڈے خداوند یسوع مسیح دے راہیں فتح بخش دا اے۔

درسی وعظ

بائبل وچوں

1۔ پیدائش 1 باب 1، 2، 26، 28، 31 آیتاں (تا پہلاں)۔

1۔ رب نے شروع وچ دھرتی تے آسمان نوں پیدا کیتا۔

2۔ تے دھرتی ویران تے سنسان سی تے گہراؤ تے ہنیر اسی تے رب دی روح پانیاں اُتے جنبش کر دی سی۔

26۔ فیر رب نے آکھیا پئی اسی انسان نوں اپنی صورت اُتے اپنی شبیہ وانگر بنائیے تے اوہ سمندر دیاں مچھیاں تے آسمان دے پرندیاں تے چوپائیاں تے ساری دھرتی تے سارے جانداراں تے جیہڑے دھرتی اُتے رینگدے نیں اختیار رکھن۔

27۔ تے رب نے انسان نوں اپنی صورت اُتے پیدا کیتا۔ رب دی صورت اُتے اوہنوں پیدا کیتا۔ نروناری اوہناں نوں پیدا کیتا۔

- 28- رب نے اوہناں نوں برکت دتی تے آکھیا پھلو تے ودھوتے دھرتی نوں معمور و محکوم کرو تے سمندر دیاں  
مجھیاں تے ہوادے پرندیاں تے سارے جانوراں تے جیہڑے دھرتی اُتے پھر دے نیں اختیار رکھو۔
- 31- تے رب نے سب اُتے جو کجھ اوہنے بنایا سی نظر کیتی تے دیکھیا پئی بوہت چنگاے۔

## 2- پیدائش 2 باب 6، 7، 21، 22 آیتاں

- 6- بلکہ دھرتی توں کہرا ٹھدی سی تے ساری دھرتی نوں سیراب کر دسی۔
- 7- تے رب نے دھرتی دی مٹی توں انسان نوں بنایا تے اوہدے نتھنیاں وچ حیاتی داساہ پھو کیا تے انسان  
جیوندی چند ہو گیا۔
- 21- تے رب نے آدم اُتے گہری نیندر گھلی تے اوہ سوں گیا تے اوہنے اوہدیاں پسلیاں وچوں اک نوں کڈھ  
کے اوہدی تھاں گوشت بھر دتا۔
- 22- تے رب اوس پسلی توں جیہڑی اوہنے آدم وچوں کڈھی سی اک بڈھی بنا کے اوہنوں آدم دے کول لیا۔

## 3- یسعیاہ 43 باب 1 (ایس طراں)، 2 (توں دو جا)، 3 (توں): آیتاں

- 1- اے یعقوب! خداوند جنسے تہانوں پیداکیتا تے جنسے اے اسرائیل تینوں بنایا ایہہ آکھدا اے پئی خوف نہ  
کر کیوں جے میں تیرا فدیہ دتا اے۔ میں تیرا نال لے کے تینوں بلایا اے توں میرا اے۔

2- جدوں تُوں سیلاب وچوں لنگے تے میں تیرے نال ہونواں گاتے جدوں تُوں ندیاں وچوں لنگے تے اوہ تینوں نہ ڈبون گیاں۔ جدوں تُوں اگ اُتے چلیں گاتے تینوں آج نہ لگے گی تے شعلہ تینوں نہ ساڑے گا۔

3- کیوں جے میں خداوند تیرا رب اسرائیل دا قدوس تیرا مکتی داتاواں۔

#### 4- زبور 49:20 آیت

20- بند جیہڑا عزت دی حالت وچ رہندا اے پر خرد نسئیں کردا جانوراں وانگراے جیہڑے فنا ہو جانداے نیں۔

#### 5- متی 9 باب 35 (توں تہی،) آیت

35- تے یسوع سارے پنڈاں تے شہراں وچ پھر دار ہیا تے اوہناں دے عبادتخانیاں وچ تعلیم دیندا رہیا تے بادشاہی دی خوشخبری دی منادی کردار ہیا۔

#### 6- متی 14 باب 35 (اوہناں نے خبر گھلی) بس، 35 (تے)، 36 آیتاں

35- اوہناں نے خبر گھلی۔۔۔ تے سارے بیماراں نوں اوہدے کول لیائے۔

36- تے اوہدی منت کرن لگے پئی اوہدی پوشاک دا کنارہ ای پھر لین تے جنیاں نے پھر یا اوہ چنگے ہو گئے۔

## 7- یوحنا 11 باب 1، 4، 11، 41، توں 44 آیتاں

- 1- مریم تے اوہدی بہن مارتھا دے پنڈیتِ عنیاہ دا العز رناں دا اک بندہ بیمار سی۔
- 4- یسوع نے ایہہ سن کے آکھیا ایہہ بیماری موت دی نئیں بلکہ رب دے جلال لئی اے تاں جو اوہدے پاروں رب دا جلال ظاہر ہووے۔
- 11- اوہنے ایہہ گلاں آکھیاں تے اوہدے بعد اوہناں نوں آکھن لگیا پئی ساڈا دوست العز رسوں گیا اے پر میں اوہنوں جگاؤن جانا آں۔
- 41- تے اوہناں نے اوس پتھر نوں ہٹا دتا۔ فیر یسوع نے اکھاں کھول کے آکھیا اے باپ میں تیرا شکر کرداواں پئی توں میری سُن لئی۔
- 42- تے مینوں تے پتہ سی پئی توں ہمیشہ میری سُن دا ایں پر ایہناں لوکاں دے پاروں جیہڑے آلے دوالے کھڑے نیں میں ایہہ آکھیا تاں جو اوہ ایمان لیاؤن پئی توں ای مینوں گھلایاے۔
- 43- تے ایہہ آکھ کے اوہنے اُچی آواز نال پکاریا پئی اے العز ر نکل آ۔
- 44- جیہڑا مر گیا سی اوہ کفن نال ہتھ پیرنھے ہوئے نکل آیا تے اوہدا منہ رومال نال لوہٹیا ہو گیا سی۔ یسوع نے اوہناں نوں آکھیا پئی اوہنوں کھول کے جان دیو۔

## 8- ایوب 33 باب 4 آیت

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تفسیراں نال بنیاں۔

4۔ رب دی روح نے مینوں بنایا اے تے قادرِ مطلق دادم مینوں حیاتی دیندا اے۔

## 9۔ رومیوں 8 باب 9 (توں)، 11 (جے) آیتاں

9۔۔۔ توں جسمانی نہیں بلکہ روحانی ایں پر شرط ایہہ اے پئی رب داروح تیرے وچ وسیا ہو گیا اے۔ پر  
جیدے وچ مسیح داروح نہیں اوہ اوہدائیں۔

11۔ جے اوہدائی روح تہاڈے وچ وسیا ہو گیا اے جسے یسوع نون مردیاں وچوں جو ایاتے جسے مسیح یسوع نون  
مردیاں وچوں جو ایاتے تہاڈے فانی بدناں نون وی اپنے اوس روح دے راہیں جیوند اکرے گا جیہڑا تہاڈے وچ  
وسیا ہو گیا اے۔

## 10۔ افسیوں 4 باب 4 توں 7، 13 توں 15، 21 توں 24 آیتاں

4۔ اک ای بدن اے تے اک ای روح اے۔ ایس لئی تہانوں جیہڑے بلائے گئے سی اپنے بلائے جان توں آس  
وی اک ای اے۔

5۔ اک ای خداوند اے۔ اک ای ایمان۔ اک ای پیتسمہ۔

6۔ تے ساریاں دا بیوتے رب اک ای اے جیہڑا ساریاں اُتے تے ساریاں دے وچکار تے ساریاں دے  
اندر اے۔

7۔ تے ساڈے وچوں ہر اک اُتے مسیح دی بخشش دے مطابق فضل ہو گیا اے۔

13- جدوں تیکر اسی سارے دے سارے رب دے پتر دے ایمان تے اوہدی پچھان وچ اک نہ ہو جائیے تے کامل انسان نہ بنے یعنی مسیح دے پورے قد دے اندازے تیکر نہ اپڑ جائیے۔

14- تاں جو اسی اگے توں نہ بچے رہئے تے بندیاں دی بازی گری تے مکاری دے پاروں اوہناں دے گمراہ کرن والے منصوبیاں ول اک تعلیم دے جھونکے نال چھلاں وانگر اچھلدے تے وگدے نہ پھرئیے۔

15- بلکہ محبت نال سچیاں اُتے قائم رہ کے تے اوہدے نال جیہڑا سارے یعنی مسیح دے نال پیوستہ ہو کے ہر طراں ودھدے جائیے۔

21- بلکہ توں اوس سچیاں دے مطابق جیہڑی یسوع وچ اے اوہدی سنی تے اوہدے وچ ایہہ تعلیم لئی ہووے گی۔

22- پئی تسی اپنے اگلے چال چلن دی اوس پُرانی انسانیت نوں لادو جیہڑی فریب دیاں شہوتاں پاروں خراب ہو جاندی اے۔

23- تے اپنی سیان دی روحانیت وچ نویں بن دے جاؤ۔

24- تے نویں انسانیت نوں پاؤ جیہڑی رب دے مطابق سچیاں دی راستبازی تے پاکیزگی وچ پیدا کیتی گئی اے۔

## 11- 1 یوحنا 3 باب 2، 3 آیتاں

2- عزیزو! اسی جان دے آں پئی جدوں اوہ ظاہر ہووے گاتے اسی وی اوہدے وانگر ہونواں گے۔ کیوں بے اوہنوں اوس طراں ای ویکھاگے جیہیں طراں دا اوہ ہے اے۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تحریراں نال بنیاں۔

3۔ تے جیہڑا کوئی اوہدے توں ایہہ آس رکھدا اے اپنے آپ نوں اوس طراں دا ای پاک کردا اے جیہیں طراں دا اوہ پاک اے۔

## 12۔ احبار 19 باب 2 (توں) آیت

2۔ توں پاک رہ کیوں جے میں جیہڑا خداوند تیرا رب آں پاک آں۔

## سائنس تے صحت

1۔ 29-24:516

پیدائش 1 باب 27 آیت: تے رب نے انسان نوں اپنی صورت اُتے پیدا کیتا۔ نرو ناری اوہناں نوں پیدا کیتا۔

ایس یادگار لمحاتی خیال اُتے زور دین لئی ایہہ کئی واری دہرایا گیا اے پئی رب نے انسان نوں اپنی صورت اُتے پیدا کیتا تاں جو الہی روح دی عکاسی کرے۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسرے سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تھیریاں نال بنیاں۔



## 2- 29-26،22-21:521

پیدائش 2 باب 6 آیت: بلکہ دھرتی توں کھراٹھدی سی تے ساری دھرتی نوں سیراب کردی سی۔

پیدائش دے دو جے باب وچ رب تے کائنات دے ایس مادی نظریے دا بیان ملدا اے، اوہ بیان جیہڑا جیویں پہلے ریکارڈ ہوئی سائنسی سچائی دے بالکل الٹ اے۔

## 3- 16-3:522 (توں،)

پہلے ریکارڈ دی سائنس دو جے ریکارڈ دے جھوٹ نوں ثابت کردی اے۔ جے اک اصلی اے تے دو جا جھوٹا اے کیوں جے اوہ اک دو جے دے مخالف نیں۔ پہلا ریکارڈ ساری طاقت تے حکمرانی رب نوں دے دیندا اے، تے انسان نوں رب دی کاملیت تے قوت نال شبیہ دیندا اے۔ دو جا ریکارڈ انسان نوں بدلن دے قابل تے لافانی، اپنے دیوتا توں وکھ ہوون دے طور تے اپنے ای مدد وچ کمد اہو نیئا، لکھدا اے۔ وجودیت نوں، الوہیت توں وکھرا، سائنس ناممکن دے طور تے واضح کردی اے۔

ایہہ دو جا ریکارڈ بے تکلفی دے نال اوہدیاں اوہناں ٹھوس شکلاں وچ غلطی دی تاریخ دس دا اے جنہوں مادے وچ ذہانت تے حیاتی آکھیا جاندا اے۔ ایہہ اخلاقی روح دی بالادستی دے خلاف، شرک نوں بیان کردا اے؛ پر ایس صورت حال نوں عارضی تے انسان نوں فانی واضح کیتا گیا اے۔

## 4- 292:31 (یسوع)۔2

یسوع نے ایہہ دکھایا پئی فانی انسان انسانیت دا اصلی جوہر نہیں اے، تے ایہہ غیر اصلی مادی فانییت اصلی دی موجودگی وچ غائب ہو جاندا اے۔

## 5- 493:28-2

جے یسوع نے لعزرنوں موت دے سُننے، بھرم توں جگایا ہندا تے ایہدے نال ایہہ ثابت ہو جاندا پئی مسیح اک جھوٹے فہم نوں فروغ دیندا سی۔ الہی سیان دی مرضی تے قوت دی ایس طے شدہ آزمائش اُتے کون شک کرن دی جرأت کردا اے تاں جو انسان نوں ہمیشہ اوہدی حالت وچ برقرار رکھے تے انسان دے سارے کماں دی نگرانی کرے؟

## 6- 345:21-25، 28-30

کوئی وی بندہ جیہڑا رب دے خیال تے وچاری انسانیت دے وچکار عدم مطابقت نوں سمجھن دے قابل اے، اوہنوں رب دے انسان، جیہڑا اوہدی صورت اُتے بنایا گیا اے، تے آدم دی پاپ کرن والی نسل دے وچکار فرق نوں (جو کہ سچن سائنس نے کیتا) سمجھن دے قابل ہونا چاہیدا اے۔

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔

انسان دا ایہہ تصور، مادی عدم، جیدی سائنس تعلیم دیندی اے، بدنی سیان نوں مشتعل کردا اے تے بدنی سیان دی مخالفت دی خاص وجہ اے۔

7- 18:151 (دی)-24

لہو، دل، پھیپھڑیاں وغیرہ داحیاتی، یعنی رب نال کوئی تعلق نہیں اے۔ اصل انسان دا ہر کم الہی سیان دی رکھوالی وچ اے۔ انسان دی سوچ قتل کرن یا علاج کرن دی کوئی طاقت نہیں رکھدی، تے ایہدا رب دے بندے اُتے کوئی اختیار نہیں اے۔ اوہ الہی سیان جنہے انسان نوں بنایا اپنی صورت تے شبیہ نوں قائم رکھدا اے۔

8- 5-11:470

الہی سائنس میٹھاں دتی ہوئی آپ سامنے آؤن والی صلاح دے راہیں ایس خیالی بیان نوں واضح کر دی اے پئی سیان اک اے: جے رب یا نیکی اصلی اے تے بریائی، یعنی رب دی غیر مشابہت وی نقلی اے۔ تے بریائی صرف نقلی نوں اصلی داروپ دین نال ای اصلی دکھالی دے سکدی اے۔ رب دے فرزند اں دے کول اک سیان دے علاوہ کجھ وی نہیں۔ جدوں رب، یعنی انسان دی سیان، کدی پاپ نہیں کردا تے چنگیائی بُریائی وچ کداں بدل سکدی اے؟ بنیادی طور تے کاملیت دا معیار رب تے انسان سی۔ کیہ رب نے اپنے آپ دا معیار گھٹا لیا اے تے انسان پاپ وچ ڈگ گیا اے؟

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تھریاں نال بنیا اے۔

رب انسان دا خالق اے، تے انسان دا الہی اصول کامل ہون نال الہی خیال یا پرچھانوواں یعنی انسان کامل ای رہندا اے۔ انسان رب دی ہستی دا اظہار اے جے کوئی اجیہا ویلہ سی جدوں انسان نے الہی کاملیت دا اظہار نہیں کیتا تے ایہہ اوہ ای ویلہ سی جدوں انسان نے رب نوں ظاہر نہیں کیتا، تے نتیجے دے طور تے ایہہ اوہ ویلہ سی جدوں الوہیت یعنی وجود غیر یقینی سی۔ جے بندے نے اپنی کاملیت گوالئی اے تے اوہنے اپنا کامل اصول، الہی سیان وی گوالئی اے۔ جے انسان ایس کامل اصول یا سیان دے بغیر کدی وجود رکھدا سی تے فیر انسان دی وجودیت اک فرضی کہانی سی۔

سائنس وچ رب تے انسان، الہی اصول تے خیال دے تعلقات لازوال نیں؛ تے سائنس بھل چک جان دی اے نہ ہم آہنگی ول پرت کے آؤنا، پر ایہہ الہی ترتیب یا روحانی قانون رکھدی اے جیدے وچ رب تے جو کجھ اوہ بناؤندا اے کامل تے ابدی نیں، جیہڑے اوہدی پوری تاریخ وچ نہ بدلن والے رہے نیں۔

9 - 31-28، 14-7:475

پاک کلام ساہنوں ایہہ گل دس دا اے پئی انسان رب دی شبیہ تے صورت اُتے بنایا گیا اے۔ ایہہ مادے دی شبیہ نہیں اے۔ روح دی شبیہ ایہنی غیر روحانی نہیں ہو سکدی۔ انسان روحانی تے کامل اے؛ تے کیوں جے اوہ روحانی تے کامل اے ایس لئی اوہنوں کر سچن سائنس وچ اتخ ای سمجھیا جانا چاہیدا اے۔ انسان محبت دا خیال، تے صورت اے؛ اوہ بدن نہیں اے۔

انسان پاپ، بیماری تے موت دے لائق نہیں۔ اصلی انسان پاکیزگی توں وکھرائیں ہو سکداتے نہ ای رب،  
جیدے توں انسان نشوونما پاؤند اے، پاپ دے خلاف قوت یا آزادی پیدا کر سکد اے۔

## 10- 3:302-19-24

مادی بدن تے سیان عارضی نہیں، پر اصلی انسان روحانی تے ابدی اے۔ اصلی انسان دی شناخت گواچدی نہیں،  
بلکہ ایس وضاحت نال لبھی جاندی اے پئی، کیوں جے ہستی تے پوری شناخت دی شعوری لامحدودیت نہ بدلی  
جان والی سمجھی جاندی تے قائم رہندی اے۔ جدرب مکمل تے ابدی طور تے اوہدا اے تے ایہہ ناممکن اے پئی  
انسان اجیہیا کجھ وی گواچدیوے جو اصلی اے۔

ہستی دی سائنس انسان نوں کامل ظاہر کردی اے، ایہو تیکر پئی جیویں پیوکامل اے کیوں جے روحانی انسان  
دی جنڈیا سیان رب اے، جیہڑا ساریاں مخلوقاں دالہی اصول اے، تے ایہہ ایس لئی پئی ایس حقیقی انسان اے  
فہم دی بجائے روح دی حکمرانی ہندی اے، یعنی شریعت دی روح دی، نہ کہ ناں دے ای مادے دے قانوناں  
دی۔

## 11- 14:304-18

سچا انسان، رب یعنی اپنے سچے اصولاں دے پاروں، پاپ توں پاک تے ابدی اے۔

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی  
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔

ہم آہنگی اپنے اصول دے راہیں پیدا ہندی، ایہدے راہیں کنٹرول ہندی تے ایہدے وچ قائم رہندی اے۔  
الہی اصول انسان دی حیاتی اے۔

12- 32-28:476

رب دے لوکاں دے بارے، نہ کہ انسان دے بچیاں دے بارے گل کر دیاں ہوئے یسوع نے آکھیا، ”رب  
دی بادشاہی تہاڈے وچکار اے؛“ یعنی سچائی تے پیار اصلی انسان اُتے حکومت کر دی اے، ایہہ ظاہر کر دیاں  
ہوئے پئی انسان رب دی صورت اُتے بے گناہ تے ابدی اے۔

## روزانہ دے فرض

میری بیکرا ایڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔